

廿二史考異

元史四

廿二史攷異八十九

錢大昕學

地理志三

奉元路唐初爲雍州後改關內道 按唐太宗分天下爲十道非改州爲道也當云屬關內道

華州唐改鎮國軍宋改鎮潼軍金改金安軍 按華州

本唐所置而宋金元因之鎮國鎮潼金安皆節度軍額非改州爲軍也若依它州之例當云唐初爲華州又改華陰郡又復爲華州乃爲得之又按同州宋爲定國軍耀州宋爲感義軍又改感德軍皆節度之額

攷異

元史四

也京兆府在宋亦有永興軍節度之名延安府在宋亦有彰武軍節度之名何以獨不書乎總之軍監之軍名當書而節度之軍額不必書史家于前代掌故全未究心而妄操筆削毋怪乎紕繆百出也

延安路宋爲延安府金爲鄜延路 按宋時延州置鄜延路安撫使以守臣領之後升州爲府而安撫司猶仍其舊金因宋制亦爲延安府仍立鄜延路于此初非改府爲路也志誤

葭州唐銀州宋爲晉寧軍 按宋志晉寧軍本西界葭蘆砦元符二年爲軍知軍領嵐石路沿邊安撫使其

地屬河東路又別有銀州隸鄜延路此志以晉寧軍
卽唐銀州未詳其審

洋州唐改洋川郡

刊本川作州誤

又復爲洋州後更革不常宋

復爲洋州 按唐五代及宋洋州之名未改惟唐末
嘗置武定軍節度于此宋更軍額曰武康爾志云更
革不常誤矣

平涼府唐爲馬監隸原州宋爲涇原路升平涼軍 按
宋爲渭州本刺史州後升爲節度州以平涼爲軍額
置涇原路安撫使以守臣兼領志不言渭州而言升
平涼軍竟似升路爲軍謬之甚矣且路非一州之名

舍州府而言路於義既乖又宋時陝西有六路安撫司志但舉涇原環慶而于熙河鄜延秦鳳諸路仍又遺之尤爲進退失據也

慶陽府唐慶州宋環慶路改慶陽軍又升府金爲慶源路按宋亦爲慶州其云慶陽軍者節度使額也宣和始升慶陽府未幾入于金仍爲慶陽府置陝西西路治焉後又改陝西西路爲慶原路而府名如故志云金爲慶原路其誤與鄜延同原誤爲源則刊本之失也

秦州唐初爲秦州宋爲天水郡按宋亦爲秦州郡名

諸州皆有之不必書

隴州領縣二汧源汧陽

按仁宗紀延祐四年并汧源

縣入隴州志失書

定西州

按順帝紀至正十二年以地震改定西爲安

定州

會州

按至正十二年以地震改會州爲會寧州卽今

會寧縣

禮店文州蒙古漢兒軍民元帥府

按大德十一年以

禮店蒙古萬戶屬土蕃宣慰司非便命仍舊隸脫思

麻宣慰司防守陝州

崇慶州宋爲崇慶軍 按宋初亦爲蜀州紹興十年升
節鎮以崇慶爲軍額淳熙四年升爲崇慶府當云宋
爲崇慶府不當云軍也

保寧府後唐爲保寧軍 按保寧亦節度軍額宋初改
軍額曰安德而閬州之名初未改也

劍州宋升普安軍 普安亦節度軍額當云宋升隆慶
府

巴州宋領化城難江恩陽

宋志恩作思

會口上通江下通江

六縣 按宋志巴州領五縣通江初無上下之名疑
元初所分也

沔州唐爲興州宋改沔州元至元十四年隸廣元路二十年廢褒州止設鐸水縣遷沔州而治焉 按元大一統志鐸水縣本西縣舊鎮也戊午年始以其地升爲褒州改鎮爲縣至元二十年廢褒州移沔州來治志失書元初置褒州及鐸水縣事

順慶路唐爲南充郡又改梁州又改充州 梁當爲果字之譌唐初置果州天寶初改南充郡乾元初復爲果州大歷六年更名充州十年復故名唐時充州改名僅四五年志沿革者本可略而不書今旣書改名而不書復舊似唐五代及宋初常爲充州矣豈其然

乎

渠州領二縣流江大竹 按世祖紀至元二十六年省

流江縣入渠州志失書

潼川府宋改靜戎軍又改安靜軍 安靜宋志作靜安

此所改者皆節度軍額然梓州舊爲劍南東川節度
治所何以不書劍南東川之名乎

永寧路

闕

按世祖紀至元二十五年改西南番總管

府爲永寧路又重見于二十七年

重慶路領縣三巴縣江津南川 按順帝至元四年立

重慶路墊江縣

瀘州宋爲瀘川軍 瀘川亦節度軍額

定遠

下

本宋地名女菁平元至元四年僉宣都總帥部

兵創爲武勝軍後爲定遠州二十四年降爲縣 按
世祖紀至元四年汪良臣請立寨母章德山以當釣
魚之衝五年改母章德山爲定遠城武羣山爲武勝
軍卽此事而地名小異

懷德府領州四

關

按文宗紀至順二年四川行省招

諭懷德府驢谷什用等四洞及生蠻十二洞皆內附
詔升懷德府爲宣撫司以鎮之

夔路

當云夔州路脫州字

攷異

萬州宋爲浦州元至元二十年以南浦爲萬州 按宋

志萬州領南浦武寧二縣初無浦州之名此誤

新容米洞 按順帝紀至正十年立四川容美洞軍民

總管府疑卽容米洞也

永昌路宋初爲西涼府景德中陷入西夏 按宋史吐

蕃傳乾德四年有知西涼府折逋葛支至道二年有

西涼府押蕃落副使折逋喻龍波蓋羈縻之府以蠻

夷酋長領之

至元十五年以永昌王宮殿所在立永昌路 按世祖

紀至元九年十一月諸王只必帖木兒築新城成賜

名永昌府永昌王卽只必帖木兒也諸王表無永昌王之名蓋當時以地名稱之未有賜印

沙州路元太祖二十二年破其城以隸八都大王按八都卽拔都太祖長子朮赤之子也

山丹州元初爲阿只吉大王分地 察合台太子之子西寧州元初爲章吉駙馬分地 按公主表鄆國大長公主忙哥吉適愛不哥子寧濮郡王昌吉卽章吉也

地理志四

雲遠路軍民總管府元貞二年置 按成宗紀元貞二年雲南省臣也先不花征乞藍拔朮農開陽二寨其

攷異

木

黨荅刺率諸蠻來降乞藍悉平以其地爲雲遠路軍民總管府

北勝府在麗江之東至元十五年立爲施州十七年改爲北勝州二十年升爲府按世祖紀至元二十五年雲南行省言金沙江西通安等五城宜依舊隸察罕章宣撫司金沙江東永寧等處五城宜廢以北勝施州爲北勝府從之

葭蘗州至元九年內附十六年改羅共賧爲葭蘗州

按世祖紀至元十六年改雲南寶山葭渠二縣爲州據志寶山縣立于至元十四年則葭渠縣亦當同時

立也

霑益州領三縣 按順帝紀至元元年以霑益州所轄
羅山石梁交水三縣併歸巡檢司

石梁下至元十三年爲縣 按世祖紀至元二十四年
復雲南石梁縣蓋十三年置縣之後尋卽併省也

羅羅蒙慶等處宣慰司都元帥府 按順帝紀至正二
年罷雲南蒙慶宣慰司

烏撒烏蒙宣慰司 按順帝紀至元元年詔以烏撒烏
蒙之地隸四川行省

地理志五

嘉興路石晉置秀州宋爲嘉禾郡 按秀州吳越王錢

元瓘置宋亦爲秀州兼立嘉禾郡名非改州爲郡也

昆山州元元貞元年升州 按皇慶二年十月徙州治

太倉卽今太倉州也至正十七年復故治志皆失書

建德路唐睦州又爲嚴州又改新定郡宋爲建德軍又

爲遂安軍 按唐時爲睦州天寶初爲新定郡乾元

初仍爲睦州宋初亦爲睦州宣和中平方臘之亂始

改睦爲嚴志云唐爲嚴州誤之甚矣建德遂安皆節

鎮軍額

江陰州至元十四年升爲江陰路總管府今降爲江陰

州 按世祖紀至元二十八年降江陰路爲州隸常州路志不繫之常州路而與松江府竝列在直隸行省之數未審何時改隸也

婺州路宋爲保寧軍 保寧亦節鎮軍額

台州路唐改爲台州又改臨海郡又爲德化軍宋因之按宋因唐制仍爲台州何嘗有德化軍之名乎唐宋時台州皆不建節度志云唐爲德化軍眞無稽之談矣攷宋史吳越世家錢惟治爲德化軍使遷檢校太保台州團練使或吳越有國時台州有德化軍之稱因誤以爲唐制乎

徽州路錄事司 按世祖紀至元二十九年罷徽州路

錄事司

饒州路 按世祖紀至元十九年以袁州饒州興國軍

復隸隆興省志惟袁州一路隸江西行省而饒州隸

江浙省興國軍隸湖廣省興國之改隸志有明文

在至

元三十年而饒州則無之蓋史家于前後沿革多未該備

也

集慶路宋仁宗以昇王建國升建康軍 按仁宗卽位

升昇州爲江寧府建康軍者節鎮軍額也當云升江

寧府

溧陽州至元十六年升爲溧陽路二十七年復降爲縣
後復升爲州 按金陵新志至元十四年改溧州十
五年升溧陽府十六年改溧陽路領溧陽縣并在城
錄事司廿八年革去路名止存溧陽縣元貞元年改
升中州志所載殊未備

福州路唐改福州又爲長樂郡又爲威武軍宋爲福建
路 按宋亦爲福州以威武軍爲節鎮之額與唐制
同又設福建路轉運司駐節于此每路領數州或十
數州與元之路名同而實殊

福寧州唐長溪縣元升爲福寧州 按世祖紀升州在

至元二十三年

建寧路宋升建寧軍 當云升建寧府

泉州路宋爲平海軍 平海節度軍額也與興化邵武

軍名各別

延平路至元十五年升南劍路後改延平路 按仁宗

紀延祐元年改南劍路曰延平劍浦縣曰南平志失

書其年而南平之卽劍浦亦失攷

寧州元至元二十三年于武寧縣置寧州分寧爲倚郭

縣 按大德八年分寧始爲倚郭縣至元置州之始

武寧爲倚郭非分寧也

江州路宋爲定海軍

定海當作定江亦節鎮軍額非

改江州爲軍也

韶州路曲江

中

按仁宗紀延祐五年併翁源縣入曲

江縣志以翁源爲英德所領之縣與紀異翁源本唐

宋舊縣而志云大德五年置始廢于至元之世乎

惠州唐循州宋改惠州又改博羅郡又復爲惠州 按

宋無改州爲郡之事蓋因宋志有賜郡名曰博羅之

文而妄爲之說也宋時諸州皆有郡名大率沿唐之

舊惟惠州南漢所置本析循州之地循有郡名而惠

無郡名故宣和中特賜之初非改州爲郡史家不學

故涉筆多誤

英德州 按仁宗紀延祐元年廢真陽舍光二縣入英德州志失書

梅州至元十六年置總管府二十三年改爲散州 按仁宗紀延祐四年改潮州路所統梅州隸廣東道宣慰司蓋初改散州本隸潮州路後乃直隸宣慰司也桂陽州爲蒙古斛忽都虎郡王分地 按食貨志愠里荅兒薛禪至元十八年分撥桂陽州二萬一千戶愠里荅兒卽畏荅兒本忙兀氏志所謂蒙古斛也忽都虎蓋畏荅兒之後襲封郡王者世祖初定江南凡后

妃宗王駙馬勳臣各有分戶具載食貨志歲賜篇所
謂江南戶鈔也志皆不載獨載忽都虎一人此又義
例之失當也

連州元至元十七年升爲連州路總管府十九年降爲
散州 按成宗紀元貞元年降連州路爲連州與志
異

循州唐改爲海豐郡仍改循州宋爲博羅郡 按宋時
循州郡名海豐蓋因唐之舊博羅則惠州郡名也惠
雖循之故地然疆界旣分豈可混而爲一

地理志六

武昌路唐初爲鄂州又改江夏郡又升武昌軍宋爲荆
湖北路 按唐時鄂州爲武昌軍節度治所宋立荆
湖北路轉運司治鄂州州名與節鎮軍額初無改也
宋時十八路二十三路之名皆據轉運司所轄言之
非專指一州志沿革者本可不書且如江南東路之
治建康江南西路之治隆興兩浙西路之治平江兩
浙東路之治紹興此類志皆不書則湖北路福建路
何以特書乎

岳州宋爲岳陽軍 岳陽亦節度軍額

天臨路唐爲潭州長沙郡宋爲湖南安撫司 按宋時

潭州守臣例帶湖南路安撫使猶鄂州守臣例帶湖北路安撫使非改州爲司也安撫司例不書

衡州路領縣三衡陽安仁酃縣 按順帝至元二年分衡州路衡陽縣立新城縣

郴州倚郭舊爲敦化縣至元十三年改今名 按宋時郴州倚郭爲郴縣敦字犯宋廟諱敦化之名必非宋所立至元十三年湖南始入版圖何以又有舊名殊可疑也

桂陽路唐郴州 當云唐郴州地

耒陽州唐宋皆爲郡隸湘東郡 當云隸衡州衡州郡

名衡陽非湘東也

靜江路宋仍爲靜江軍 當云宋升靜江府

慶遠南丹溪洞等處軍民安撫司唐爲龍水郡又改粵州 粵州當作宜州唐雖有粵州之名乃在改郡名以前自唐至宋常爲宜州宋末乃升府耳

平樂府元改爲平樂府 按成宗紀大德五年升昭州爲平樂府是元始得江南尚稱昭州也

容州宋爲寧遠軍 寧遠亦節度軍額

至元十六年改容州路總管府 按成宗紀大德五年降容象橫賓路爲州志于此四州皆失書降州事

融州宋爲清遠軍 清遠亦節度軍額

乾寧軍民安撫司 按順帝元統二年改乾寧軍民安

撫司曰乾寧安撫司

會同 下定安下 按宋志無此二縣世祖紀至元二十

九年敕以海南新附四州洞寨五百一十九民二萬
餘戶置會同定安二縣隸瓊州又文宗紀天歷二年
升定安縣爲南康州隸海北元帥府志亦失書

播州軍民安撫司 按世祖紀至元十五年從播州安

撫楊邦憲請以鼎山仍隸播州十六年改播州鼎山
縣爲播州縣二十六年改播州爲播南路此皆當見

于志而志失之

西北地附錄 按元時西北塞外皆爲諸王分地不立
州縣有牙帳而無城郭志所錄諸地名分爲三列一
曰篤來帖木兒一曰月祖伯一曰不賽因皆不著其
說攷泰定紀內有云西域諸王不賽因部又云北邊
諸王月卽別文宗紀至順元年遣諸王桑哥班等分
使西北諸王燕只吉台不賽因月卽別等所其云月
卽別者卽志之月祖伯也月祖伯分地在北方不賽
因分地在西域惟篤來帖木兒一人不見于史攷文
宗紀至順二年西域諸王禿列帖木兒遣使獻西馬

及蒲萄酒當卽其人其分地亦在西域也

元史五

廿二史攷異九十

錢大昕學

河渠志一

兖州牘已見前 按兖州牘之名雖見于會通河條初
不載興工年月及修廣丈尺不得云已見前也此條
據馬之貞申文亦但有合用材物已行措置完備乞
移文江淮漕司修治語究未詳何時興建

河渠志二

至元十七年七月耿參政阿里尚書奏 耿參政者耿
仁也敘事之文例當書名此志耿參政劉都水王承

德郭嘉議李承事張奉政董中奉任奉政毛中議王徵事高朝列丁將仕史參政等或書階或書官皆當時案牘之文而史家承之祭祀志有田司徒郝參政食貨志有何主簿裴縣尹耿左丞亦其類也

中書丞相火魯火孫 卽和禮霍孫

姚總管等言 姚總管卽姚演也

范殿帥朱張輩必知其故 朱張當謂朱清張瑄二人也下文直云朱張言似誤以爲一人

禮樂志二

東平萬戶嚴光範 當作忠範

太常集禮曰樂章據孔思逮錄之國朝樂章皆用成字
凡用寧字者金曲也 按宋樂章用安字金用寧字
元用成字志載至大二年親饗太廟文舞退武舞進
仍用舊曲改名肅寧注云舊名和成亞終獻酌獻仍
用舊曲改名肅寧注云舊名順成徹豆曰豐寧之曲
注云舊名豐成然則至元四年已改和成順成豐成
之名而至大中反改從金舊名揆之情理當不其然
此必承孔思逮本之誤也攷第三卷載至大樂章云
文舞退武舞進奏肅成之曲亞終獻行禮宮縣奏肅
成之曲注云孔本作肅寧知思逮誤以肅成爲肅寧

又攷祭祀志所載親祀時享儀卽至大二年所定其
文云諸太祝進徹邊豆登歌豐成之樂作知徹豆之
奏豐寧亦應作成字矣大約思逮所錄乃國初之舊
曲史家誤以爲至大所定樂章耳第四卷載奉定十
室樂舞云亞獻終獻武舞肅寧之曲祭祀志親謝儀
太尉詣盥洗位官縣樂作肅寧之曲此類皆沿孔本
之譌

禮樂志三

至元四年至十七年八室樂章迎神奏來成之曲 按
志第一卷總序篇云至元三年初用官縣登歌樂文

武二舞于太廟烈祖至憲宗八室皆有樂章第二卷
制樂始末篇云至元三年冬十有一月有事于太廟
宮縣登歌樂文武二舞咸備其迎送神曲曰來成之
曲云云第四卷宗廟樂舞篇亦云至元三年八室時
享文舞降神來成之曲云云是八室樂章定于至元
三年也而此卷云至元四年又親祀禘祫樂章內皇
帝詣盥洗奏順成之曲迎神奏思成之曲司徒捧俎
奏嘉成之曲文舞退武舞進奏肅成之曲亞終獻奏
肅成之曲俱注云至元四年詞律同又至大以後親
祀攝樂章內皇帝盥洗奏順成之曲迎神奏思成之

曲初獻升殿奏肅寧之曲司徒捧俎奏嘉成之曲太祖室奏開成之曲睿宗室奏武成之曲文舞退武舞進奏肅成之曲亞終獻行禮奏肅成之曲徹盥豆奏豐寧之曲送神奏保成之曲注俱有至元四年字似樂章定于至元四年蓋一志之中前後舛錯如此

親祀禘祫樂章未詳年月太常集禮云別本所錄以時攷之疑至元三年以前擬用 按至元以前未行親祀太廟之禮禘祫則終元之代初未舉行此樂章不審何人所製擬而未用于例不當書

皇帝出入小次奏昌寧之曲太常集禮云此金曲思建

取之 按金史禮志載此曲詞句多同惟肅肅夾止
作有來肅肅威儀孔彰作禮儀卒度神之休之作孔
時孔惠元代樂曲例用成字此采金曲故仍用寧字
也元初祭太廟皆有司攝事至大始行親享之禮臨
時不及更造新曲權用金舊亦有司之失也

宣聖樂章 按志載祀先聖樂章前十六章則釋奠所
用也後十一章則擬撰而未及用者也前十六章其
十四章全用宋時大晟樂府擬撰之詞惟鄭國公沂
國公酌獻二章宋大晟本無之後十一章九章存而
二章亡所亡者卽鄭沂二公酌獻之詞何以增于前

而缺于後也蓋顏曾思孟並配始于宋度宗咸淳三年當大晟擬撰時鄭沂二公尚未入配位故無其樂章元既襲而用之則少此二配樂章不得不增入以充其數因于擬撰十一章之內取而用之夫是以前之所增卽後之所缺也又攷元初宣聖配享止有顏孟二人本沿金制而金又本宋政和儀故卽用宋樂章十四曲至延祐三年始增子思孟子二位則此十六章亦延祐所定也

祭祀志一

世祖中統二年親征北方 按中統紀元止于四年志

於此條下書十二年十三年三十一年皆改元至元以後事也當於十二年之上增至元兩字

尚書太尉右丞相太保左丞相田司徒耿參政等 右丞相者乞台普濟左丞相者脫虎脫田司徒者忠良也郝參政者彬也

祭祀志三

世祖元年秋七月丁丑 世祖下脫中統二字

皇帝還大次宮縣昌寧之樂作 按禮儀志皇帝出廟廷奏昌寧之曲卽此所云還大次也上文云禩訖禮儀使奏請還小次皇帝行宮縣樂作入小次樂止又

禮儀使奏請詣盥洗位出次宮縣樂作至盥洗位樂止又飲福訖禮儀使奏請還小次宮縣樂作入小次樂止又徹豆訖禮儀使奏請詣版位出次宮縣樂作至位樂止此四次宮縣樂卽禮儀志所云皇帝出入大次奏昌寧之曲也志或書曲名或不書于例殊未畫一

祭祀志五

至大元年秋七月詔加號先聖曰大成至聖文宣王

按成宗紀在大德十一年七月志誤

皇慶二年六月以許衡從祀 按皇慶紀元在延祐之

前此志先敘延祐三年以顏曾四子配享事繼以皇
慶二年云云前後倒置

詣兗國公神位前至位曰東向立點視畢曰詣鄒國公
神位前按元初祀宜聖用金制惟兗公鄒公配享
延祐三年始依南宋儀增入鄒沂二公配享此志所
述釋奠儀止有兗鄒二公蓋延祐以前所定

祭祀志六

至正親祀南郊按順帝再舉親郊之禮志止載至正
三年十月而不及十五年十一月未免闕漏

樞密知院阿魯禿即阿魯圖

至正親祀太廟 按順帝紀至正十六年正月戊子親
享太廟志亦失書

三皇廟樂章前卷祀社稷樂章俱在禮樂類中今附于
此 按元史纂修始于洪武二年二月丙寅開局至
八月癸酉告成計一百八十八日本紀三十七志五
十三表六傳六十三目錄二爲卷百六十一而順帝
一朝之事缺焉次年二月乙丑再開局七月丁亥書
成計百四十三日續成本紀十志五表二傳三十六
而前書所未備者頗補完之既又合前後二書釐分
而附麗之共成二百一十卷卽國子監刊行本也志

之續者惟五行河渠祭祀百官食貨表之續者惟三公宰相餘俱闕之前後史官既非一手體例又不盡一附桑章於祭祀附選舉于百官皆因經進之舊不知釐正地理志惟增入二條禮樂兵刑諸篇全無增益列傳如魯昌趙高昌諸王及釋老外國諸篇皆闕順帝一朝之事因陋就簡不詳不備宋景濂王子充二公可謂素餐而失職矣

去人戴氏充國夫人諡貞素 按石刻詔書作宋戴氏此脫宋字

宋五賢從祀 按此條文義杭州路提控案牘胡瑜之

攷異

元史五

七

牒本謂楊時李侗胡安國蔡沈真德秀五人俱應追錫名爵從祀先聖庠廷及中書省奏准送禮部定議五先生封號各給詞頭宣命遣官齋往福建訪問各人子孫給付如無子孫者於其故所居鄉里郡縣學或書院祠堂內安置而從祀孔席之請當時固未之行也明正統二年始進胡安國蔡沈真德秀宏治八年進楊時萬歷四十一年進李侗五先生從祀蓋定于明代元時初未預從祀之列志乃以五賢從祀爲標目疏矣

輿服志一

天子之質孫 質孫亦作只孫

命中書省定立服色等第于后 按服色等第一條一見於輿服志再見于刑法志重複二十餘行入粟補官一條一見於選舉志再見于食貨志重複三四十行國子監黜罰科條一條一見於選舉志再見于刑法志重複七八行

選舉志一

得東平楊英等 英當作負

蒙古色目人第一場經問五條大學論語孟子中庸內設問用朱氏章句集註 按四書成士昉于元代設

科之始本以四書文少便於記誦故令蒙古色目人習之漢人南人則四書之外仍各占一經經疑二問於四書出題限三百字以上經義一道限五百字以上蓋經義難通四書易解右榜第一場四書先於五經者先易而後難初非重四書而輕五經也劉基登元統元年進士檢其文集有春秋經義若干篇而經疑不及焉則元人之重五經可知矣明初襲用元制鄉會試題四書在五經之前由是士子應試專以揣摩四書文爲事經義徒有其名爾

賜護都荅兒張起巖等

仁宗紀作護都荅兒

廷試進士護都達兒霍希賢等 仁宗紀作忽都達兒
廷試進士達普化宋本等 英宗紀作泰普化卽泰不
華也石刻或作泰普華

廷試進士捌刺張益等八十有六人 泰定紀作八刺
六紀作四

廷試進士阿察赤李黼等八十有六人 泰定紀八十
五人

元統癸酉科廷試進士同同李齊等復增名額以及百
人之數 按是春順帝尚未卽位故本紀不載廷試
賜第事

凡師儒之命於朝廷者曰教授路府上中州置之命於
禮部及行省及宣慰司者曰學正山長學錄教諭路
州縣及書院置之路設教授學正學錄各一員散府
上中州設教授一員下州設學正一員縣設教諭一
員書院設山長一員中原州縣學正山長學錄教諭
並受禮部付身各省所屬州縣學正山長學錄教諭
並受行省及宣慰司劄付此段一百三十一字依
史通點煩之例可去者五十七字上文有命于禮部
及行省云云則自中原州縣以下四十二字可省矣
下文有路設教授云云則路府上中州置之兩句可

省矣又攷儒學設官之制已載百官志則此段百三十餘言以史例言之皆可省也

百官志一

三汊沽場

漢監本誤作義

蘆臺場越支場

刊本作越賢誤

石碑場濟民

場惠民場 元典章惠民等六場隸大都運司大德七年三月併入河間運司

山東東路轉運鹽使司鹽場一十九所 按元典章山

東鹽運司濱鹽司七處永利寧海永阜豐國富國豐

民利國樂鹽司五處官臺高家港新鎮王家岡箇堤

志作固堤

膠萊鹽司八處西由海滄登寧行村信陽卽墨

石河濤洛凡鹽場二十所此志無卽墨場

至元八年立玉宸院二十年改置儀鳳司按世祖紀中統元年立仙音院復改爲玉宸院括樂工立儀鳳司是儀鳳與玉宸非一司與志互異

百官志四

管領諸路打捕鷹房民匠等戶總管府大德三年始置元貞元年撥隸中宮位下按大德紀年在元貞之後前後倒置

管領諸路打捕鷹房民匠等戶總管府此總管府及所領四提舉司十一提領所俱與前一條無別雖係

簡不同其實重出也

百官志六

中統四年設羣牧所 按世祖紀在元年

百官志七

至元二十二年以福建行省併入江西二十三年又以福建省併入江浙 按成宗紀大德元年二月改福建省爲福建平海等處行中書省徙治泉州是成宗時福建省尚未裁併與志互異

至元二十三年四川立行樞密院 據下文當云行中書省

宣慰司掌軍民之務 按世祖紀中統三年立諸路宣慰司以真定路達魯花赤趙瑄等爲之

宣慰使司凡六道山東東西道河東山西道淮東道浙東道荆湖北道湖南道 按地理志浙東道宣慰司都元帥府治慶元路則浙東道宣慰司亦兼都元帥府矣

元帥府李店文州帖城河里洋脫朶甘思當陽岷州積

石州洮州路脫思馬路十八族 按宣政院所屬惟

洮州十八族積石州禮店文州

即李店

稱元帥府朶甘

思稱都元帥府脫思麻路

即脫思馬

則稱軍民萬戶府而

屬于吐蕃都元帥常陽

即當陽

帖城阿不籠等處合爲

一萬戶府而屬于吐蕃招討司岷州但有捕盜官俱無元帥府之名

安撫司秩正三品 按宣政院所屬又有松潘客邊威茂州等處軍民安撫使司礪門魚通黎雅長河西寧遠等處軍民安撫使司

百官志八

中書省奏闕端阿哈所分地方接連西番自脫脫木兒旣沒之後無人承嗣 阿哈蒙古言兄也永昌本闕端太子分地據宗室世系表闕端太子位下無脫脫

木兒名諸王表有荆王脫脫木兒則睿宗子歲都哥
之後也未審卽其人否

食貨志三

太宗子定宗位 按至元十八年分賜宗王江南戶鈔
惟定宗位及滅里大王合失大王闕出太子憲宗子
阿速台大王睿宗子旭烈大王歲哥都大王位下不
得與攷其時海都阻兵卽合失之子其餘諸王必與
海都同謀故歲賜不及之

右手萬戶三投下孛羅台萬戶 孛羅台博兒朮之子
也孛羅台與忒木台駙馬幹闕烈闕里必三人所誣

三投下

左手九千戶合丹大息千戶 按合丹大息千戶也速不花等四千戶也速兀兒等三千戶帖柳兀禿千戶所謂九千戶也

帖柳兀禿千戶江南戶鈔至元十八年分撥藤州一千二百四十四戶 按伯顏傳曾祖述律哥圖事太祖爲八鄰部左千戶至元十八年頒羣臣食邑詔益以藤州等處四千九百七十七戶此志云帖柳兀禿疑卽述律哥圖也元初開國功臣至元中賜江南戶鈔者皆以子孫立功世祖朝故有加賜如木華黎國王

以安童孛羅渾

即博爾忽

官人以月赤察兒速不台官人

以阿木八荅子以哈刺哈孫然則帖柳兀禿之加賜必以伯顏之功也惟志傳所載戶數多寡不同未知其審

曳刺中書兀圖撒罕里 卽耶律楚材也傳作吾圖撒合里蒙古語吾圖者長也撒合里者黑也故以爲長髯之稱

昔寶赤 謂掌鷹者自昔寶赤而下若八刺哈赤阿塔赤必閣赤貴赤厥列赤八兒赤不魯古赤皆舉其官言之

阿速拔都 卽杭忽思

元史五終

元史六

廿二史攷異九十一

錢大昕學

后妃表

太祖忽蘭皇后

按祕史太祖征蔑兒乞時諮阿思蔑

兒乞部人荅亦兒兀孫以女忽蘭來獻然則忽蘭

即忽蘭

乃蔑兒乞氏

即蔑兒乞

也速皇后

祕史作也遂卽也速干之姊

也速干皇后

按祕史太祖滅塔塔兒部納也客扯連

之女也速干爲夫人有寵也速干因言其姊也遂之

美太祖命訪之謂也速干曰汝姊至汝能居其下否

攷異

元史六

七

荅曰願之及也遂至也速干讓夫人位與之

哈荅皇后 按祕史太祖爲泰赤兀所執鎖兒罕失刺

匿之以女合荅安侍疑卽哈荅也

太宗脫列哥那六皇后 按祕史太祖平蔑兒乞以其

主脫黑脫阿

卽脫脫

子忽都之妻朶列格捏賜幹歌歹

卽太宗

朶列格捏卽脫列哥那也

世祖察必皇后 按后妃表但當列氏族名號冊諡年

月而已此於察必皇后云后性明敏達于事機至元

之政左右彌縫當時以爲蓋有力焉於南必皇后云

世祖春秋高后頗預政相臣常不得見帝輒因后奏

事焉於成宗卜魯罕皇后云成宗晚年多疾后居中
用事而能信任相臣哈剌哈孫以成大德之治識者
猶有取焉於順宗答己妃子云后性聰慧然不事檢
飭及正位東朝滛恣益甚內則黑驢婢亦列失八用
事外則幸臣失列門紐隣等及時宰迭木帖兒怙寵
作非濁亂朝政及英宗立權倖誅而後勢談頓息焉
此數條俱已見本傳而復出于此去此存彼可也

泰定八不罕皇后宏吉刺氏究王買住罕女也必罕皇
后八不罕妹也速哥答里皇后必罕妹也按表所
稱似八不罕必罕速哥答里三人皆買住罕之女而

后妃傳云八不罕皇后按陳孫幹留察兒之女妃二人曰必罕曰速哥答里皆充王買住罕之女特薛禪傳亦云泰定皇后諱八不罕按陳孫幹留察兒之女其諱必罕諱速哥答里者皆脫憐孫買住罕之女竝與表不合攷泰定紀泰定二年封后父火里兀察兒爲威靖王諸王表亦云火里兀察兒泰定皇后父也火里兀察兒卽幹留察兒則八不罕皇后非買住罕之女信矣且充王買住罕者據宗室世系表爲察合台太子之曾孫于泰定爲諸父行必無納其女爲后之理若宏吉刺氏亦有名買住罕者公主表云大長

公主拜荅沙適按陳裔孫買住罕又特薛禪傳云脫
憐者按陳之裔孫世祖授本藩千戶卒子迸不刺嗣
迸不刺卒子買住罕嗣尙拜荅沙公主此則必罕速
哥荅里二后之父初未有封禳王之文也后妃傳及
表並以禳王買住罕爲泰定后父蓋誤以宗室之買
住罕與宏吉刺之買住罕合爲一人而不覺其謬也
睿宗陵魯和帖尼妃子怯烈氏 按祕史太祖納王罕
弟札合敢不長女名亦巴合以次女莎兒合黑塔泥
賜拖雷卽陵魯和帖尼也

宗室世系表

脫奔咩哩健妻阿蘭果火 按祕史蒙古之始祖曰巴

塔赤罕生子曰塔馬察塔馬察子曰豁里差兒蔑兒

干豁里差兒蔑兒干子曰阿兀站孛羅溫阿兀站孛

羅溫子曰撒里合察兀撒里合察兀子曰也客你敦

也客你敦子曰搏鎖赤搏鎖赤子曰合兒出合兒出

子曰孛兒只吉歹蔑兒干孛兒只吉歹今譯爲博爾濟吉特氏

孛兒只吉歹蔑兒干子曰脫羅豁勒真伯蓋由於此

顏脫羅豁勒真子曰朶奔蔑兒干卽脫奔咩哩健也

自巴塔赤罕至朶奔蔑兒干凡十一世阿蘭果火祕

史作阿蘭豁阿姓豁里刺兒氏

八林昔黑刺禿哈必畜 祕史作把林失亦刺禿合必
赤

咩麻篤敦七子 本紀麻作撻祕史作蔑年土敦年撻

音相同表作麻者誤也七子之名表闕其五攷祕史

蔑年土敦生子七人曰哈赤曲魯克

表作旣孛篤兒罕

曰哈

臣曰哈赤兀曰哈出刺曰哈赤溫曰哈闌友曰納臣

把阿禿兒

表作納眞

哈臣子曰那牙吉友後爲那牙勤氏

哈赤兀子曰巴魯刺台後爲巴魯刺思氏哈出刺有

四子後各以名爲氏爲大巴魯刺小巴魯刺額兒點

圖巴魯刺脫朶延巴魯刺氏哈赤溫子曰阿荅兒友

後爲阿荅兒斤氏哈蘭歹子後爲不荅安惕氏納臣
把阿禿兒子曰兀魯兀歹曰忙忽曰後各以名爲氏
皆表所未及

納真今兀察兀禿其子孫也 按兀魯兀台忙兀台皆
納真之後此云兀察兀禿疑有譌

拜住忽兒一子 紀作拜姓忽兒祕史作伯升豁兒多
黑申升與姓音相近此作住者誤

察刺哈寧溫收兄拜住忽兒妻生一子真挈斯今大丑
兀禿其子孫也 按祕史察刺孩領忽子曰想昆必
勒格想昆必勒格子曰俺巴孩是爲泰赤烏氏又收

嫂爲妻生一子名別速台後爲別速氏與表皆不合
獠忽真兀禿迭葛今昔只兀刺其子孫也 按祕史海
都第三子名抄真幹兒帖該有子六人曰幹羅納兒
曰晃豁壇曰阿魯剌惕曰雪你惕曰合卜禿兒合思
曰格泥格思後皆以名爲氏

敦必乃六子 祕史作屯必乃薛禪薛禪其號也祕史

屯必乃二子一曰合不勒合罕

卽葛不
律寒

一曰掃薛赤

列此云六子而不見掃薛赤列之名恐誤

葛不律寒 寒當作罕或作汗蒙古至是始有君長之

號也

□斤八刺哈哈

刊本斤上脫一字輟耕錄作笛不斤

祕史作幹勤巴兒哈黑生一子名忽禿黑禿主兒乞

忽禿黑禿主兒乞有二子曰薛扯別乞

紀作薛徹別吉

曰台

出

紀作大丑

是爲主兒乞氏太祖紀云薛徹大丑二人實

我伯祖八刺哈之裔是也

八里丹

祕史作把兒壇把阿禿兒

把阿禿兒卽拔都兒以勇爲號

忽都魯畔聶兒

祕史作忽禿黑禿蒙古兒

忽魯刺罕

刊本罕作空諺

祕史作忽圖刺合罕自葛不律始

建號合罕繼之者從弟俺巴孩

太祖紀作咸補海

俺巴孩爲

金人所殺而忽圖刺繼之有子三人曰拙赤曰吉兒

馬元日阿勒壇太祖紀云以按彈爲我祖忽都刺之
子卽阿勒壇也

合丹八都兒 祕史作合荅安

投端幹赤斤 祕史作脫朶延幹惕赤斤

忽闌八都兒 祕史忽闌子名也客扯連

蒙哥睹黑顏 刊本哥作奇誤 祕史作忙格禿乞顏

聶昆大司 祕史作捏坤太子

荅里真 祕史作荅里台幹赤斤

搠只哈兒王 卽哈撒兒食貨志作搠只哈撒兒

移相哥大王 按虞伯生撰樂實碑云尙唆台公主太

祖弟哈撒兒王之曾孫女移相哥王之孫女埜仙帖
木兒之女此表移相哥之子惟勢都兒一人無名埜
仙帖木兒者

次五兀魯赤 陳桎通鑑續編作木兒徹友

次六闊列堅太子 陳桎續編作郭列干輟畊錄作果
里干

脫脫蒙哥王 列傳蒙作忙

月卽列大王 列傳列作別

越王禿剌 按本傳禿剌子西安王阿剌忒納失里天
歷初以推戴功進封豫王文宗紀諸王乞八言臣兄

豫王阿剌忒納失里弟亦失班順帝紀阿剌忒納失里弟荅兒麻征南陽賊有功以西安王印與之命鎮寵吉里之地表皆不見其名而西平王與魯赤位下有豫王阿忒納納失里次行有乞字疑卽乞八也則列傳以豫王爲秃剌子似失之矣

太宗皇帝七子長定宗皇帝次二闊端太子次三闊出太子次四哈剌察兒王次五合失大王次六合丹大王次七滅里大王

按陳桱通鑑續編云太宗七子

長曰合西友

卽合失

二皇后孛灰所生蚤卒有子曰海

都次諱貴出是爲定宗曰闊端曰屈出

卽闊出亦曰作曲出

攷異

七

合刺察兒

諱哈刺察兒

六皇后所生也曰合丹曰滅立

諱

里亦作明里

七皇后所生也其次第與表互異

昔列門太子

亦作失列門

定宗皇帝三子長忽察大王次二腦忽太子次三禾忽

大王

陳桎續編云定宗三子曰和者曰腦忽反曰

忽也不干

輟耕錄亦作忽反太子

旭烈兀大王

食貨志作旭烈至元辨僞錄作煦烈

玉龍荅失大王

亦作玉龍反失又作玉龍塔思

北安王那木罕

世祖紀作南木合又作那沒罕

營王也先帖木兒

輟耕錄營王也先帖木兒之子有

脫歡不花太子脫魯太子

鎮南王帖木兒不花威順平王寬徹普化宣讓王帖木

兒不花 按此三人表繫於鎮南王老章下似皆老

章之子今據列傳則寬徹普化帖木兒不花皆脫歡

之子與老章爲昆弟傳又云脫歡薨子老章襲老章

薨弟脫不花襲

表所稱鎮南王帖木兒不花卽此

脫不花薨子孛羅

不花幼帖木兒不花乃嗣爲鎮南王是此三人爲老

章之弟承襲先後次序井然輟畊錄失載老章然亦

以帖木兒不花三人爲脫歡之子可證此表之誤宜

讓王帖木兒不花後進封淮王而寬徹普化之子有

別帖木兒荅帖木兒報恩奴接待奴佛家奴及義王和尚表皆不載大約表所據者經世大典帝系篇陶氏輟畊錄亦得之經世大典故缺順帝一朝之事也嘗得一懷妊婦人曰插只來納之其所生遺腹兒因其母名曰插只來自後別爲一種按祕史孛端察兒納懷孕婦人生子名札只刺歹後爲札荅刺氏札只刺歹子曰土古兀歹土古兀歹子曰不里不勒赤魯不里不勒赤魯子曰哈刺哈荅安哈刺哈荅安子曰札木合卽與太祖結爲按荅者

諸王表

魯王阿不反駙馬大德十一年襲 當卽瑪阿不刺

定王要木忽爾 卽藥木忽爾

周王木失刺 木當作火火失刺卽和世琜

懷王脫帖木兒 卽圖帖穆爾或作脫脫木兒

慶王 表闕其名按輟畊錄有云今上之長公主之駙
馬剛哈刺咱慶王因墜馬得一奇疾兩眼黑睛俱無
而舌出至胸豈卽其人乎

高麗王大順以駙馬封 按高麗傳未見有名大順者
金印獸紐 此表金印獸紐有二條後一條當是駙紐
之譌

河間王元古帶至元二年封 按宗室世系表有河間

王忽察而無元古帶

永寧王卜顏帖木兒 宗室世系表作伯顏木兒又按

中堂事紀云中統二年皇弟摩哥大王

卽末哥亦作穆哥世

子昌童封永寧王改其父玉寶爲金印製紐爲駝作

三臺文曰永寧王印則昌童已受永寧王之封而表

不及之表又有永寧王卯澤至順元年封則宗室表

無其人攷公主表有完者台公主適來口口卯澤來

疑永字之譌當卽此永寧王也

廣平王木剌忽駙馬 按木剌忽爲玉昔帖木兒之子

姓阿魯刺氏

亦作阿兒刺

元之同族不當有尙主事表稱

駙馬似誤也元制勲臣封王爵者不得賜印如國王
木華黎郡王帶孫淇陽王月赤察兒皆不列於諸王
表而廣平獨得與宗室駙馬並列攷文宗紀天歷二
年毀廣平王木剌忽印命哈班代之更鑄印以賜則
廣平固有印矣

建昌王 表不著其名攷中堂事紀中統二年六月二
日詔賜不花大王駙紐金鍍銀印其文曰建昌王印
時王見征戍大理諸部建昌雲南之別稱也

泰寧王買奴至治二年封泰定二年徙封宣靖王 按

本紀秦定元年三月秦寧王買奴卒以其子亦憐眞
朶兒赤嗣卽此買奴也又秦定三年封諸王買奴爲
宣靖王鎮益都順帝至元二年進封宣靖王買奴爲
益王蓋同時有兩買奴一爲秦寧王一爲宣靖王封
宣靖者荅里眞官人之後益都乃其分地封秦寧者
未詳其世系表誤合爲一人因有徙封之說

秦寧王亦進眞多兒加 進當作連卽亦憐眞朶兒赤
連憐音同也

公主表

昌國公主火臣別吉 火臣亦作果眞

昌武定王瑱兒哈 列傳瑱作鎖

昌武靖王札忽爾陳 列傳作札忽兒臣

昌忠宣王忽憐 列傳作忽憐

公主伯雅倫 傳作伯牙魯罕

公主卜蘭奚 傳作不蘭奚

公主益里海涯 傳作亦里哈牙

拜哈弟觶王聶古觶 拜哈卽字要合也上云趙武毅

王字要合下云拜哈子趙武襄王愛不花又云字若

子趙忠襄王君不花攷本傳君不花愛不花皆字要

合之子則字要合也拜哈也字若也實一人也

趙國大長公主忽荅迭迷失。閭復撰高唐忠獻王碑。
作忽荅的美實。

公主愛牙迷失。傳作愛牙失里碑作愛失里。

趙康禧王喬隣察。碑作邱隣察。

郇忠襄王朮忽難。諸王表作拙忽難。又趙王朮安尙。
晉王女阿刺的納八刺公主亦應見於公主表而表
獨遺之。

魯忠武王按噴那顏。按噴亦作按陳。又作按眞。劉伯林傳

又作按只。

成宗紀

又作按赤。

太宗紀

適幹陳男幹羅眞駙馬。幹羅眞卽幹羅陳也。據本傳。

乃幹陳弟納陳之子

公主南阿不刺 傳作喃哥不刺

公主祥哥刺吉 亦作相哥刺吉 程鉅夫應昌寺碑

弼阿不刺 仁宗紀作刁幹八刺程鉅夫應昌寺碑作

弼不刺

阿里嘉實利 卽阿禮嘉世禮 仁宗紀 亦作阿里嘉室利

特詳 禪傳又作阿刺哥識里 文宗紀 又作阿里加失立 諸王表

又作阿禮嘉世立 程鉅夫碑

幹可眞公主 傳作幹可珍

也立可敦公主 傳作也立安敦

公主忽都魯堅迷失 高麗傳作忽都魯揭里迷失

高麗王妃卜荅失利 傳作寶塔實憐

火魯公主適哈荅駙馬 食貨志有大雷公主

大當
作火郎

火魯也祕史作豁雷罕木赤太子之女哈荅姓韓亦
刺氏脫亦列赤之兄也

濶濶干公主適脫亦列赤駙馬 按祕史忽禿阿剌吉
之子亦納勒赤尙扯扯亦堅公主卽濶濶干也

三公表一

和林廣記多載國初之事內有太師阿海太傅禿懷太
保明安之名 阿海禿懷皆耶律氏禿懷即禿花也

明安石抹氏

至元二十六年 是年四月以月兒魯爲太傅卽玉昔帖木兒也表於二十六年至三十年俱不書月兒魯三十一年 是年成宗卽位以月兒魯爲太師伯顏爲太傅月赤察兒爲太保表皆失之

大德八年 自是年至武宗至大初太師月赤察兒尙無恙表何以闕而不書

十一年太傅哈刺哈孫太保塔刺海 按武宗紀是年五月加知樞密院事朶兒朶海爲太傅右丞相哈刺哈孫爲太保六月加左丞相塔刺海太保紀不書哈

刺哈孫爲太傅之月日當亦在六月也

至大元年 按武宗紀是年八月特授佩頭太師佩頭
後賜名脫兒赤顏卽月赤察兒之子蓋父子同時爲
太師也表於至大三年始有脫兒赤顏名未知其審
又據本紀是年有太保乞台普濟次年八月乞台普
濟爲太傅表皆失之

三年太師阿剌不花脫兒赤顏 按武宗紀是年十一
月加脫虎脫太師表亦不書

四年太傅帖可 卽鐵哥也仁宗紀是年三月命月赤
察兒依前太師宣徽使鐵哥爲太傅集賢大學士典

出爲太保表止書帖可一人

皇慶元年太師阿撒罕 亦作阿思罕

二年 按是年四月以伯忽爲太傅表不書

延祐六年太師鐵木迭兒 按是年四月以鐵木迭兒爲太子太師非太師也至次年三月始復除太師表於是年已書鐵木迭兒誤也據本紀是年閏八月以伯忽爲太師六月以朶帶爲太傅則表皆闕之

七年太傅朶朶 紀作朶帶

至治三年 按泰定紀是年九月以內史按答出爲太師表失書

泰定元年太師伯忽按泰定紀至治三年十二月以前太師拜忽商議軍國重事拜忽卽伯忽也其時按荅出卽按塔出見爲太師而伯忽以前太師與議國政非正授太師不當書伯忽而略按荅出也

四年太傅朶朶太保禿忽魯按泰定紀是年三月以朶朶爲太師禿忽魯爲太傅伯荅沙爲太保表失書天歷元年是年十月別不花爲太保表失書

至順三年按三公宰相二表俱闕至順三年以紀攷之蓋太師燕鐵木兒太傅伯荅沙太保伯顏也

三公表二

元統二年太保燕不隣 康里氏官遼陽行省平章政事封興國公追封興寧王諡忠襄伯撒里其弟也

至元元年太傅完者帖木兒 月赤察兒之孫嗣洪陽王

六年太保撥馬赤 紀作塔馬赤

至正十五年太保定住 按順帝朝太保名定住者二人前定住由樞密知院除中書平章政事加太保至元三年二月卒官後定住康里氏至正十四年由平章遷左丞相進右丞相卽此定住也

元史六終